



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Igitur legationis Aquitanica termini in Britanniam porrigebantur. Nam Britannia suum Archiepiscopum habuit alium à Turonensi etiam Adriani IV. pontificatu.

urn:nbn:de:hbz:466:1-15617

Ecclesia filii auxiliante Domino procuremus. Verum quia ubique presentes esse aut per nos ipsos cuncta exercere non possumus, fratres nostros, quos nimis opportunos credimus, in partem nostram sollicitudinis evocamus. Eapropter venerabili fratri nostro Gerardo Englismonsi Episcopo nostras in partibus vestris vices duximus committendas, quemadmodum & Dominus predecessor noster sancte memoriae Paschalis Papa communissime cognoscitur. Confidimus enim in Domino quia ipse ministerium hoc ad honorem Dei & salutem vestram sancto cooperante Spiritu fideliter ministrabit. Rogamus itaque universitatem vestram, monemus, atque precipimus, ut ei, tanquam Vicario nostro, humiliter pareatis. Et cum opportunitas ecclesiastica utilitatis exegerit, ad vocacionem ejus unanimiter convenire & synodales cum eo conuentus solenniter celebrare curatis; quatenus communis deliberatione corrigenda corrigitur & confirmanda possit auctore Domino confirmare. Datum Beneventi x vii. Kal. Novembris.

VII. Sed ut ad id revertamur quod superius dicebamus, legationis Aquitanica terminos in Britanniam usque porrectos fuisse, Dolensem vero archiepiscopatum fuisse unum ex quinque archiepiscopatibus Legato Aquitaniae contributis, istius rei probatio colligitur etiam ex literis quas jam descripsimus Paschalis & Callisti, qui Britanniam provinciam enumerant divisam à Turonensi. Ratio enim aliqua esse debuit ob quam Pontifices illi Britanniam seorsim exprimerent à provincia Turonensi. Ea vero alia esse non potest quam quod ea provincia Metropolitani Turonensis auctoritatem respueret Dolensi Archiepiscopo subjici mallet, etiam post Urbani II. decretum. Quod adeo verum est ut Adriani quoque quarti pontificatu cum agitata controversia esset de Pallio Archiepiscopi Dolensis, idem Adrianus, ut docet Innocentius tertius, Engelbaudo Turonensi Archiepiscopo praeceperit uti aut cum Hugone Archiepiscopo Dolensi conveniret cum suffraganeis, aut usque ad festum sancti Michaelis proximo tunc venturum plenam ei exhibitus & recepturus justitiam apostolico se conspectui praesentaret. Extant litera illae Adriani in veteri codice MS. monasterij sancti Germani de Pratis, nondum edita, ideoque heic opportunissimo loco inferenda.

* Log. Archiep. episc. s. i.
Adrianus Papa Turonum * Archidiacono.
Ad apostolatus nostri presentiam Dolensis Ecclesiae cleris, multis laboribus attritus & molestis fatigatus, apud nos suppliciter intercessit ut venerabili fratri nostro H. Archiepiscopo Dolensi dignaremur Palli sui plenitudinem indulgere. Hoc vero cum ex tenore concordie quam inter te

& ipsum factam fuisse confitebatur, tam ex antiqua consuetudine requirebat. Venerant & aduersus eum multy tui, qui quandam compositionem, quam per Abbatem de Fontaines factam fuisse de suffraganeis ibi asserebant, confirmari unanimiter postulabant. Porro eandem Ecclesiam cum prefato Archiepiscopo suo in ipsa compositione suffraganeis dicebant renuntiasse, * accedens & a predecessore nostro bone memoriae Lucio Papa, sicut in ejus scripto continetur, ita fuisse de communi consilio fratrum diffinitum. Ad hoc ipsam compositionem nullam fuisse Dolensis penitus Ecclesia respondebat, dicens insuper ipsam sententiam Romani Pontificis non tenere, quia ille qui tunc temporis officium gerebat, fraudem & dolum adhibuit, dum nec Dolensis Ecclesia presentis in examinatione fuisse, & ad Capuanum archiepiscopatum, quem postea per intrusionem Regis Sicali adeptus est, vehementer aspiraret, unde in ipsa compositione nihil ad commodum Dolensis Ecclesie. Nos vero quia hujus rei plenam non potuimus habere cognitionem, cum altera pars in negatione persisteret & se non habere mandatum penitus hoc exequendi affirmaret, nihil a nobis super codem negotio est terminatum, predictam tamen compositionem omnino quassavimus. Sanè juxta postulationem ejusdem Ecclesie memorato fratri nostro Pallium, insigne videlicet pontificalis officij, duximus indulgendum; quem cum apostolica sedis benedictione & nostra gratia plenitudine remittentes, tanto Ecclesie cui preeft sua iura illibata volumus servare & integra quanto ecclesiasticis utilitatibus convenit nos ex injuncto officio attentius providere. Vnde hos Dolensis Ecclesie misericorditer * consultationem consilientes, ne ipsa sacro sanctam Romanam Ecclesiam ad * excusationem sue justitiae negligenter esse vel desiderem conqueratur, fraternitati tua per apostolica scripta mandamus quatenus aut cum eo amicabiliter componas & cum eo tibi conveniat, aut ad proximam festivitatem sancti Michaelis plenam exhibutur & suscepturn in presentia nostra justitiam apostolico te constitui representes.

VIII. Itaque Aquitanica legatio, ut dicebamus, constabat ex provinciis Bituricensi, Burdigalensi, Auscitana, Turonensi, & Britannica. Latius autem patuit legatio à Gregorio VII. concessa Amato Episcopo Oloronensi apud Benearnos; quippe cui, præter quinque provincias supra memoratas, commissa est etiam provincia Narbonensis integra, hoc est, prima Narbonensis & Hispania Tarraconensis, quæ tunc sub Metropolitano Narbonensi erat. Sic enim intelligenda sunt Gregorij literæ a nobis olim editæ, quæ sic habent in veteri codice MS. sancti Albini Andegavensis.

GREGORIUS Episcopus servus servorum